

զեկեղեցին , և փոխեցի յանուն Ս. Գէորգ , որ էր մաս վանացս յիշատակ Մեղքոն Ամիրայի թագաւորացն : Կայ եւս յիշատակ Պարոն Մեղքոնի եւ շիշ մի Ս. Իւղ , որ ներսիսի Հոռովկայու Ս. Հայրապետի օրհնած Ս. Իւղն է , որ քոյրն Բ. Հեթմոյ փախոյց 'ի Հոռովկայէ , յորժամ Աշրաֆ Ամիրայն Եղիպտոսի կործանեաց զԿաթողիկոսարանն :

Ի սմին ժամանակի աւերեալ էին արաքին աստիճանքն դաւթի եկեղեցւոյն Ս. Աստուածածնի , և անկեալ էր որմն արեւելեան . 'ի ծանուցանել Փոխանորդաց Դատաւորին՝ եղեւ քննութիւն , եւ ապա հրաման՝ և շինեցին զաստիճանն Հայք եւ Յոյնք ընկերութեամբ 'ի միասին . իսկ արեւելեան որմն՝ մինչ ցնչանն , եւ անտի 'ի վեր կատինք միայնակ , (յ30 Մարտի . 1840) :

Հայք և Յոյնք 'ի միասին եղին 'ի տեղիս իւրեանց զերկաթեայ փեղկա դրան եկեղեցւոյն Ս. Աստուածածնի , զոր Արարացիք թշնամութեամբ 'ի գիշերի խլեալ արկին 'ի վայր . այս եւս զինի քննութեան և հրամանի Դատաւորին եղեւ :

Գ Լ Ո Ւ Խ Ծ Զ .

Ընտրութիւն Զարբիա Եպիսկոպոսի : Խնդիր Հայոց վասն եկեղեցւոյն Բեթղէհեմի . քննութիւն նորին և և Ս. Յարութեան : Կարգութիւն եկեղեցւոյն Բեթղէհեմի 'ի ձեռն Յունաց : Բողոք Հայոց : Հրովարտակ Արքային և կարգաւորութիւն ինդոց :

Չկնի վախճանի Գարբիէլ Պատրիարքի՝ Ծայրագոյն կառավարիչ Աթոռոյն եւ Խորհրդական հարք գրեցին 'ի Կոստանդինուպոլիս առ Պատրիարքն և առ գլխաւորս ազգին , ծանուցանելով զմահ՝ Գարբիէլի , և զթափուր մնալն Պատրիարքական Աթոռոյն , գրեցին զանուանս Եպիսկոպոսաց , որք գտան յայնմ ժամանակի 'ի վանս Ս. Յակոբայ , եղին նաեւ զանուն Յակոբ Եպիսկոպոսի Պատրիարքին Կոստանդինուպոլսոյ , և յայտ արարին թէ յԵպիսկոպոսաց աստի զորք և ընտրեսցէ ազգային ժողովն 'ի Պատրիարքութիւն , հաճելի և ընդունելի է միաբանութեան , Զայտոսիկ